

115 年全國語文競賽臺中市複賽臺灣原住民族語言朗讀文章 【卡那卡那富語】 國中學生組 編號 4 號

neni tia putukioa maku nuari

neni kusai tia putukioa maku nuari? 'akuni macaca 'ikua, matarava
masini ka'anu pa ku tavaru'u, putukioa makananu sua musutampu 'ikua.

'una kim ti'ingai 'uma na cimaru. tia kara ku tuni tuisua ka'u'uma?
koo pa mati'arangu cupungu maku.

manung kara tuisua kesacu? tuni matisa'u cau aka, iakuru takacicini
tamna tanasun. nakai tumatimana ku, kesacu noo patanamu ia, mupacai
kani, 'itumuru tia kiatuturua. tia kara ku tuni maca'ivi makasua patanamu?
ka'anu pa manaturu cupungu.

'una kincaua maku, 'esi tuisua kangkuhu. muru'u'u ku 'inia, sii paira
noo cu'urunu ia, maningcau nguain tamna tikuru. noo makari 'inia, paira
macaca nguain tamna cimi'i, makai tantaniara macangcangaru. imua,
karu'un cau.

tumatuturu nguain, sua miacara musukumu ia, tia 'una sumasupini
cupungu, tia 'una maru'u cupungu, ka'anu ma'icupu aracapici musukumu
cau, ka'anu ma'icupu cumacakupu. pacupungu ku, 'una kara ku makasua
sumasupini cupungu? tia kara ku tuni makai 'inia, tantaniara sumingiacu
capai? tia pa ku pacupungu.

'una ucani putukioa kacaua cau manmaan 'inia, muru'u'u ku
kangvang. sua isua ia takituturua. cini'urua maku takituturua ia, makai
marungucai nguani tamna macurang. tantaniara miacara seto, tumatuturu
nguani tamna macurang. noo 'una seto kesoni 'inia, 'una supina 'apu'iaru
marivari. 'apaco'e tarasangai cu nguani, noo 'una seto 'esi aka cupungu,
nukai 'una musutupuku, 'una musukumu, takituturua kavangvang 'esi
muranu 'inia. imua, sua seto ia, maru'u na nguani tamna takituturua.
mamarang seto matua kangvang putucau na takituturua. koo pa ku
cumacu'ura 'una cau puaka na takituturua.

tavaru'u cu ku, takituturua sua cucuru pacupungua maku. isua tia
putukioa maku nuari. tia cu ku aranai soni tumatimana takituturua tamna
kari, kipatusu marisinatu, matimanungu takacicin tamna tina'an. nuari, noo
cucuru tuisua cu takituturua ia, tia ku makai takituturua maku masini,
muranu kacaua seto.

我未來的志願

談談我未來的志願。當農人好嗎？但農人不論天氣炎熱或下雨，非要出門工作不可，我能忍受這樣的生活嗎？當警察也很不錯，可以去抓壞人。據說警察的訓練很嚴格，我可以通過那些訓練嗎？我的親友也有擔任護士的，受到親友們的歡迎，可是我的性格耐心夠嗎？這還要再思量。我非常羨慕老師，每天與學生相處，傳授他們的知識，當學生請教問題時，總是耐心的答覆每個問題，幫助同學成長。對了！老師就是我所嚮往的工作，我將朝這個方向努力。